

Wien, Österreichische Nationalbibliothek (ÖNB), Cod. 645

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

673

P A T R I S T O C I .

674

*Scriptori requiem lector deposce perhennem
Qui mente pia petit dici aue Maria.*

CCCXXII.

R. 3294 Codex ejusdem rationis, Folior. 266. ab alio Scriptore, et praecedentibus ornatior est Tomus III. complexus Quinquagenam III. Psalmorum, quorum primus ἀντιγεαφως incipit: *Ecce unus pauper orat, et non orat in silento*, ut edit. Maur. cit. col. 1091. Ad calcem hic: *Anno Domini Millesimo Quadragesimo Quinquagesimo tercio finiui hunc librum in die Sancti Galli confessoris atque Abbatis. Deo gracias. Per me fratrem Wilhelnum. Tres istos Coenobitas nemo sanus otii aut desidiae arguet, qui vastos ejusmodi Tomos ita gnaviter exarant, ut toto opere calatum nunquam posuisse, nunquam interquievisse videri possint. Exemplis ceterum sat castigatis usi sunt.*

CCCXXIII.

R. 5 Codex membraneus lat. Sec. XII. Folior. 143. fol. max. charactere grandi, nitido per duas columnas exaratus, et literis initiorum luculentissimis eleganter picturatis, olim Monachorum congregacionis S. Justine de Padua, deputatus Monasterio S. Seuerini de Neapoli, ut ora inferior p. 1. testatur, continet Partem priorem Enarrationum D. Augustini in Psalmos, et ita inscribitur: *In nomine Domini Incipit Prologus Beati Augustini Super Expositio-* Denis Codd. Theol. V. II. P. I.

nem Psalterii. Prologus hic manu Seculi XV. rescriptus est, cum folio primo Codicis avulso, non nisi tres lineae ultimae illius a prima manu restarent. Perperam vero ad Augustinum refertur, licet a variis Codicibus, antiquioribusque Editionibus ei tributus. Est enim Basilii M. et graece legitur Edit. Maur. T. I. Paris. 1721. p. 90. f. adjuncta Versione magis quidem pressa, quam nostra sit, quae auctorem habet Rufinum Aquilej. et ejusdem Edit. T. II. inserta est a Garnerio Append. p. 713. cum aliis Basiliensis a Rufino versis, ut ipse in Praef. ad Apronianum testatur. Abest vero hic Prologus ab edito sub Rufini nomine Lugd. 1570. f. *Commentario in LXXV. Psalmos*, unde fulcitur Eruditorum sententia Commentarium hunc Rufino subpositum fuisse, pertinereque ad alium Compilatorem, et fortasse Vincentium quemdam Presbyterum Gallum, ut visum Valerio, qui teste Gennadio c. 80. in Psalmos scripsit, statimque in Psalmum I. locum sat prolixum sublegit Augustino nostro, quod ὡς ἐν παροδῷ dictum. Initium porro hujus Prologi est: *Omnis Scriptura divinitus inspirata utilis est &c.* Finis: *ipsa Psalmorum indicent initia.* Opus ipsum minio inscribitur: *Incipit de primo psalmo;* et orditur: *Beatus vir &c. De domino nostro ihesu christo id est homine dominico &c.* ut Edit. Maur. T. IV. Paris. 1691. col. 1. f. quacum ita

U u

con-

Wien, Österreichische Nationalbibliothek (ÖNB), Cod. 645

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

675

C O D I C E S

676

consentit Codex, ut *Psalmo I.* non repererim, nisi: *precepta contemneret pro praeteriret, intelligatur pro accipiatur cathedra, trahens eos in radices omisso in via, viam vero impiorum ut peccatorum non nosse*, ubi Edita ut peccatorum non habent. Suppletus est tamen et reflectus Textus per decursum a diversis manibus, illudque habet peculiare, ut, quod in Editis Numerum 1. Psalmi cuiusvis conficit, in Codice *Prologus* inscribatur, Numerus vero 2. titulum uncialem praferat: *Incipit De Psalmo*, vel *Incipit Textus Psalmi*. *Fol. 20.* habetur prior illa Enarratio in *Ps. XIV.* quam Mauriani rejecere in calcem col. 1699. Inter *Foll. 25.* et 30. Compactoris vitio turbatum est. *Fol. 32.* p. 2. ad finem *Ps. XXV.* Codex adjicit: *animatur, nisi fuerit conuersus ad dominum*. *Fol. 53.* p. 2. Enarratio I. in *Ps. XXXII.* habita dicitur *In Mapalibus. Per Uigilias Sancti Martyris Cypriani*, et sequens *Ad Mensam eius*, id est, *Carthagine* in loco Martyrii. Post *Fol. 64.* excidere Membranae ab iis verbis *Serm. 2.* in *Ps. XXX-IV.* filium suum induit cilicio — usque ad verba *Serm. 2.* in *Ps. XXXVI.* *Induti sunt falsi testes, ut a iudicibus dampnarentur.* Post *Fol. 78.* rursus hiatus a verbis Enarrat. in *Ps. XXXIX.* *ipse dicit rectum* — usque ad verba Enarrat. in *Ps. XLI.* *Sic scriptum est in genesi.* *Posuit dominus cayn &c.* Idem accidit post *Fol. 81.* ubi a verbis Enarrat. in *Ps. XLII.* *sed ego ipse pono eam.* Sed tristis

est anima mea usque — omnia defunt usque ad verba in Ps. XLIV. *quasi aliquid. Calicem salutaris accipiam &c.* Item post *Fol. 106.* excidit Enarrat. *Ps. LI.* a verbis: *Huic ergo potentie comparatum corpus illud —.* Item post *Fol. 115.* Enarrat. *Ps. LV.* a verbis: *Si in deo, quare meos? Et in deo — usque ad verba Enarrat. Ps. LVII.* *sent deum non sicut deum glorificauerunt &c.* Explicit Pars haec magnifici, sed indigne mutilati Codicis in Expositione Tituli *Ps. LXVII.* his verbis: *Textum consideremus atque tractemus. Explicit De Titulo.*

CCCXXIV.

Pars altera Folior. nunc 161. R. 6 fortunam magis novercam experita, ab his verbis orditur: *quod non accepisti? Ut ergo discernatur ab impiis &c.* quae leguntur in Enarrat. *Ps. LXVII.* Sed neque haec integra est; abrumpitur enim in verbis: *Juda confessio dicitur interpretari, Zabulon habita — et statim fol. 3. legas: sed sicut illic apostolus sequitur: Qui est super omnia deus benedictus &c.* quae habentur in Enarrat. *Ps. LXXXI.* Post fol. 14. deficit *Ps. LXXXVII.* in his verbis: *omnia que impendebant evenisse — et fol. 15.* orditur: *de se Christianus debet sperare. Si uult esse firmus &c.* quae pertinent ad finem Enarrat. 2. *Ps. LXXXVIII.* Post fol. 59. excidit membrana continens Sermonem II. in *Ps. CII.* a verbis: *ista de nobis: deinde domino et patri &c.*